

Yëkkuö kit Pablo tö Galacia wakpa a Gálatas

Pablo tö yëkkuö i' kit Jesús mik erblökwakpa tso' ká kiè Galacia e' shuà ká wa'ñe e'pa a ikimoie. Iekkëtä ie'pa kos e' kè dör Israel aleripa. E' kuëkí kam ie'pa erblò Jesús mik etá ie'pa kè tö Moisés ttè dalöiëno e' dalöiè. Mik Pablo dë'rö Jesús ttè buaë kkachök ie'pa a etá ie' tö ie'pa a iché tö kè se' tsatkërpa Moisés ttè dalöiëno e' dalöiè wa.

Erë mik ie' mineane etá Israel aleripa shuà pë' demi e' ò tö ie'pa dör Jesús mik erblökwakpa. E'pa tö ie'pa wöbla'weke sulu ikitöwoie. Ie'pa tö iché tö se' kè tsatkërpa Jesús mik erblè e' è wa. E' kuëkí ñies se' kawötá Moisés ttè dalöiök. Ì sulu e' wöklö'woie Pablo tö yëkkuö i' kit. Jesús mik erblökwakpa tö s'wöbla'uk kache tté wa, e'pa ki'wá buaë, e' kuëkí Pablo tö yëkkuö i' kit as ie'pa tso' ttsë'ka iyökí ena ie'pa shulir er bua' wa. S'wöbla'uk kache tté wa e'pa tö icheke tö Pablo kè dör Jesús tteköl chökke ie' kè wá Moisés tté e' dalöiëne e' kuëkí.

Pablo tö iché Jesús mik erblökwakpa a tö Jesús wák tö ie' klö' kanëblök ittekölie. Ñies ie' tö iché tö Jesús mik erblè e' è wa Skëköl tö se' klö'wëmi wes pë' buaë yësyësë es. Kè dör Moisés ttè dalöiè wa Skëköl tö se' tsatkeke. E' skéie ie' er buaë ché se' a e' wa ie' tö se' tsatkeke sënoie ie' a iWiköl wa. E' kkacheke Pablo tö yëkkuö i' ki.

Shkë'wè

1 1Ye' dör Pablo. Ye' dör Jesús ttekölpa tsá, e'pa eköl. Ye' kè kine s'ditsö wá ñies ye' kè patkéne s'ditsö wá. E' skéie Skëköl dör S'yé tö Jesús shkë'okane, e' ena Jesucristo, e'pa tö ye' patké' ie' tté buaë pakök.
2Ye' tso' yëkkuö i' shtök Skëképa Jesús icha erule erule kos tso' Galacia e'pa a. Ye' ena s'yamipa kos tso' ye' tã íe, e'pa tö a' kos shkë'wëmi.
3Skëköl dör S'yé ena Skëképa Jesucristo, as e'pa er buaë chò ena sene bèrè mù a' a. 4Jesucristo e' me'ttsá ttèwá se' nuì skéie wes Skëköl dör S'yé e' kí ikiane es. E' o' ie' tö se' yottsá sene sulu kos tso' ká i' a e' ulá a. 5íle' kíkokaşö kekraë! Es idir.

Jesús tté buaë, e' dör etkëme

⁶Ye' tō a' me'at, e' itōkī bet t̄a, Skëköl olo'yé a' tō. Ie' tō se' klōo'bak. Ie' er buaë ché tajë se' a' Cristo batamik. Erë ie' olo'yé a' tō. E' skéie a' tso'ne tté kua'kī klō'uk. E' tō ye' tkiwéw̄a eriawéka tajë. Welepa tō icheke tō tté e' dör Jesús tté buaë, ⁷erë e' kè dör es. Jesús tté buaë moki, e' dör etkëme. Pë' welepa de a' wōkir a' k̄a chōukwa tté kua'kī wa. Ie'pa tō Cristo tté buaë, e' kī kuōtkéka. Es ie'pa tō ie' tté buaë moki e' shkūlī'weke. ⁸Erë ye' tō a' a' ichè tō yi tō tté kua'kī pakeke a' a' Jesús ttéie, kè dör wes sa' tō a' a' ipaka' kuaë es, e' t̄a as ese wák kichatër. Kè ye' tkine tō ye' wák alè tō ipakè ö Skëköl biyöchökwak wele datse k̄a jai a, ese tō tté kua'kī pakè a' a, as esepa kichatër. ⁹Ye' tō a' a' iskà chène: Yi tō tté kua'kī pakè a' a' Jesús ttéie, kè dör ie' tté buaë paka' sa' tō a' a' e', kè dör tté klōo' a' tō kewe e', e' t̄a as ese wák kichatër. ¹⁰¿Ima a' ibikeitsè? Ye' ttōke es, ¿e' wa ye' at̄ak buaë Skëköl t̄a ö s'ditsö t̄a? Ye' mú at̄ak buaë s'ditsö t̄a, e'ma ye' kè dör Cristo kanè méso moki.

Jesús tté buaë, e' kè dë'bitū s'ditsö w̄a

¹¹A yamipa, a' w̄a ijchenú tō Jesús tté buaë pakekeyö, e' kè dë'bitū s'ditsö w̄a. ¹²Ttè e' kè yène yi w̄a ye' a, kè yi w̄a ye' wöblane iwa, e' skéie Jesucristo wák tō ikkayë' ye' a.

¹³Wes ye' bak senuk judiowak tté dikīa, e' t̄sëule a' w̄a buaë. Ye' bak Skëköl icha e'pa we'ikök siarë tōiök kësik wa. Ye' éna ie'pa ewakwa s̄eraa. ¹⁴Mik ye' bak judiowak tté dikīa, et̄a ye' tō sa' yépa bak e' ser kos iuté buaë yësyësë, iwakpa bak kos ye' t̄a e' këska', e'pa tajë tsat̄a. ¹⁵⁻¹⁶Erë Skëköl er buaë ché ye' a' tajë, e' kuëkī ie' tō ye' shukitbak iwák a, kam ye' kur e' yōkī. Ie' tō ye' klōo'bak kanëblök ie' a. Mik ie' éna ilà kkachak ye' a, et̄a ie' tō ye' a' ikkaché as ye' tō ilà tté buaë e' pakò pë' kè dör judiowak esepa a. Mik ie' tō ilà kkaché ye' a, et̄a ye' kè dë' s'ditsö ska' e' yuök. ¹⁷Nies ye' kè dë' Jerusalén, wëpa dör Jesús ttekölp̄a tsá ye' yōkī kewe, e'pa ska' e' yuök ie'pa tté wa. E' skéie bet ye' mīa Arabia, e' ukuōkī t̄a ye' dene Damasco.

¹⁸Duas de mañal, e' ukuōkī t̄a ye' mīa Jerusalén Pedro, kè s̄ule ye' w̄a, e' sauk. Erë kè ye' sene ie' ska' k̄a tajë, domingo bötö è. ¹⁹Nies Santiago dör Skëképa Jesús ël, e' suëyö. Erë kè ye' w̄a Jesús ttekölp̄a tsá, e'pa malepa sune. ²⁰Mokī ye' tō a' a' ichè Skëköl wörkī tō ì shtekeyö yëkkuö i' kī, e' dör moki.

²¹E' ukuōkī t̄a ye' mīa bānet Siria ena Cilicia. ²²E' kēwö ska' t̄a Cristo icha erule erule tso' Judea, e'pa w̄a ye' tté jcher, erë ie'pa kè w̄a ye' s̄ule. ²³Ie'pa tō ittse: "Pablo bak se' we'ikök, tté mik se' erblöke e' olo'yakw̄a ie' éna, erë i'ñe t̄a ie' tso'ne ipakök." ²⁴E' kuëkī ie'pa tō Skëköl kīkéka tajë ye' kuëkī.

2 ¹Duas de dabom eyök k_i tkël (14), e' ukuök_i t_a ye' skà míane Bernabé t_a Jerusalén. Nies Tito mí_a ye' t_a. ²Skëköl t_o ye' a ikkayë' t_o ye' kawöt_a shkök Jerusalén ttök Skëkëpa Jesús icha kos e'pa wökirpa t_a, e' kuek_i ye' mí_a. Se' ulitane w_a ie'pa suule t_o ie'pa dör se' wökirpa. Mik ye' de Jerusalén, et_a ttë buaë pakekeyö pë' kè dör judiowak esepa a, e' wa pakényö se' wökirpa ulitane e'pa è a bānet isuöie t_o iyëne ö kè iyëne. Ye' kè k_i ikiane t_o yi t_o ichè t_o Jesús kanè kos o'bituyö, e' dör é.

³Ie'pa t_o ichè t_o ttë pakekeyö, e' dör buaë yësyësë, kè ì skà kiane_a. Tito mirw_a ye' t_a, e' dör griegowak, e' kuek_i ie' tottola kè kkuölit t_eule tsir w_es judiowak wöblar es. Erè ie'pa kè w_a ie' kàne itóttola kkuölit t_ok tsir. ⁴Erè pë' welepa tso' e_e e' chò t_o ie'pa dör Jesús mik erblökwakpa, erè kè idör es. Ie'pa kè ichópa t_o Tito tottola kawöt_a kkuölit t_ee tsir, e' ma s'wökirpa kè w_a ì yëne. Pë' esepa tso' se' shu_a se' weblök bër t_o w_es se' s_er buaë, ttsë'r buaë Cristo Jesús ttè a. Ie'pa a t_a kè idör buaë t_o kè se' t_o judiowak ttè dalöiëno e' iutë_a. Ie'pa k_i ikiane t_o se' klörwane ttè ñe' ulà a. ⁵Sa' k_i ikiane t_o Jesús tté buaë mokië, e' è klö'ü a' t_o kekraë. E' kuek_i sa' kè w_a ie'pa ttè iutëne yës.

⁶Se' wökirpa kiësö skëkëpa tajë, e'pa iché t_o ttë pakekeyö e' dör buaë. Ie'pa kè w_a ik_i kuötkëne yës. (Skëköl a t_a se' ulitane dör nies ème, e' kuek_i é y_o ichè t_o ie'pa dör këkëpa tajë ö kè idör es, e' kè k_i ye' tkine.) ⁷Ie'pa éna iane t_o Skëköl t_o kanè me'at ye' ulà a Jesús tté buaë pakök, pë' kè dör judiowak, esepa a, w_es ie' t_o kanè me'at Pedro ulà a ipakök judiowak a es. ⁸Skëköl t_o Pedro patkë' Jesús tté buaë pakök judiowak a, e' è t_o ye' patkë' ipakök pë' kè dör judiowak esepa a. ⁹Santiago ena Pedro ena Juan, e'pa suule se' ulitane w_a t_o ie'pa dör se' wökirpa kibiie. Ie'pa éna iane t_o Skëköl er buaë yë' ye' a kanè i' wa. E' kuek_i ie'pa ulà mé ye' a ena Bernabé a iwà kkachoie t_o ie'pa t_o sa' klö'wé ie'pa kíie. Ie'pa éna iane t_o Skëköl t_o sa' patkë' Jesús tté buaë pakök pë' kè dör judiowak esepa a, erè ie'pa patkë'itö ipakök judiowak a. Es buaë idir ie'pa a. ¹⁰Iy_i etkè kié ie'pa t_o sa' a, e' dör t_o s'yamipa siarëpa s_erke Jerusalén, esepa kimè sa' t_o. E' wawëkeyö kekraë er bua' wa.

Pedro uñé Pablo t_o Antioquía

¹¹⁻¹²Erè e' ukuök_i t_a mik Pedro demi Antioquía sa' pakök, et_a kewe ie' chköke buaë Jesús mik erblökwakpa kè dör judiowak, esepa t_a. Erè s'yamipa dör judiowak datse Jerusalén, patkë' Santiago t_o, e'pa de. E'pa t_o iklö'wé t_o s'yamipa kè dör judiowak, esepa kawöt_a itóttola kkuölit t_ok tsir. Nies ie'pa t_o iklö'wé t_o esepa kawöt_a senuk w_es judiowak s_er es. Pedro suane ie'pa yök_i, e' kuek_i mik ie'pa de, et_a ie' e' batsétts_a wépa kè dör judiowak, esepa yök_i. Ie' kè chköia ie'pa t_a ñit_a. ¹³Nies judiowak malepa t_o Pedro e' a' ñe' es, e' wambléñak d_o Bernabéë. ¹⁴E' kuek_i, mik ye' isué t_o Pedro kè ku' iwà iutök yësyësë w_es Jesús tté buaë moki t_o ichè

es, etá ye' tò ie' a iché sulitane kukua: “Be' tso' e' ök. Be' dör judiowak, erè be' kè serku' wes judiowak ser es. ¿Íók be' tò, pè' kè dör judiowak, esepa keke senuk wes judiowak ser es? ¹⁵Se' böl dör judiowak se' ditséwó wa. Se' kè dör pè' sulusipa kè tò Skèköl dalöiè esepa. ¹⁶Erè se' wá ijcher tò Skèköl kè tò se' klö'wepa wes pè' buaè yësyësè es, Moisés ttè dalöièno e' iütèsò e' batamik. Se' wá ijcher tò se' erblé Jesucristo mik, e' kueki ie' tò se' klö'wé wes pè' buaè yësyësè es. Ie' ichè tò ie' kè tò se' klö'wepa wes pè' buaè yësyësè es, ttè dalöièno e' iütèsò e' batamik. E' kueki se' böl erblétke Jesucristo mik as Skèköl tò se' klö'ù wes pè' buaè yësyësè es. E' kè dör tò Moisés ttè dalöièno, e' iütèsò buaè e' batamik.” Es ye' tò iché Pedro a.

¹⁷E' ukuöki tã ye' tò ie'pa ulitane a iché: “Se' erblöke Cristo mik, e' batamik Skèköl tò se' klö'ù wes pè' buaè yësyësè es, e' wà paneke se' tò. Es se' kè erblöku'ia Moisés ttè dalöièno e' mik. E' kueki judiowak tò se' chëmi tò se' dör ì sulu wamblökwakpa wes pè' kè dör judiowak es. E' kueki ¿sö ichëmi tò Cristo tò se' ké ì sulu wamblök? Au, kè idör es. ¹⁸Se' éna iane tò Skèköl kè tò se' tsatkepa ttè dalöièno e' batamik. E' kueki se' kè erblëneia ttè e' mik e' tsatkoie. Erè se' erbléne ttè dalöièno e' mik e' tsatkoie, e' tã e' je' tò se' a ikkacheraè tò mokì se' dör ì sulu wamblökwakpa, se' kè a iwà iütënuke seraa e' kueki. ¹⁹Mik ye' bak erblök Moisés ttè dalöièno e' mik e' tsatkoie, etã ye' éna iane tò ye' kè a ttè e' iütënuke yësyësè wes s'kawõtã iütök es. E' kueki ye' éna iane tò nuì tso' ye' ki, e' ki Skèköl tò ye' kichaterattsa. E' kueki i'ñe tã ye' kè erblöia ttè dalöièno e' mik e' tsatkoie. Ye' a tã e' dör wes ye' du'wã ttè dalöièno e' yöki es. I'ñe tã ye' erblöke Cristo è mik as ye' ser yësyësè Skèköl a. Cristo kötëwã krus mik ye' skéie ye' nuì patuöie, ²⁰e' kueki e' dör wes ye' kötëwã ie' tã krus mik es. I'ñe tã e' dör wes kè ye' serku'ia es, erè Cristo serke ye' er a iWiköl wa. Ie' tò ye' dalëritsé, ie' e' mettsã ttëwã ye' skéie. E' è mik ye' erblöke, e' mik ye' serke kã i' ki. ²¹Es Skèköl er buaè ché ye' a, e' kè watepa ye' tò yës. Erè sene yësyësè mú dò se' ulã a ttè dalöièno e' iütè wa, e'ma e' wà kiane chë tò Cristo kötëwã éme, kè wã tã.” Es ye' tò iché Jesús mik erblökwakpa tso' Antioquia, e'pa a.

Skèköl tò iWiköl mé se' a, se' erblö Jesucristo mik, e' batamik

3 ¹iA Galacia wakpa, wësua a' kè kabikeitsöta!! ¿Yi alibché a' ki, e' tò a' wöliwëka tajë es? Jesucristo kötëwã krus mik se' skéie, e' tté wa sa' tò a' wöbla' buaè yësyësè, e' wà ane buaè a' éna kuaë. Etã ¿wes ttè e' olo'yakne a' éna? ²I' chakeke ye' tò a' a, e' iütó: ¿ì batamik Skèköl Wiköl dé' a' ki? ¿E' dör Moisés ttè dalöièno e' iüté a' tò e' batamik? Au, kè idör es. Ie' dé' a' ki mik a' tò Jesucristo tté buaè e' ttsé' tã a' erblé' imik etã. ³iA' kè kabikeitsöta!! Kuaë Skèköl tò se' yué ie' ala'rie iWiköl wa, erè ¿wes a' tò ibikeitsè i'ñe tã' tò se' kawõtã Moisés ttè dalöièno e' iütök se' wãkpa

diché wa as se' at buaë yësyësë ie' wöa? ⁴Es idör, e' ta éme se' weine tajë Jesús ttë buaë kueki. iAyëcha, e' kè weinewa éme! ⁵Ye' tö iskà chakéne a' a: ¿Skëköl tö iWiköl me' se' a, ñies ì kè or yi a ese o'itö a' shua, e' dör Moisés ttë dalöiëno e' iütësö, e' batamik? Au, kè idör es. E' kos o' Skëköl tö, se' tö Jesucristo ttë buaë e' ttsë! ta se' erblë! imik e' kueki.

**Abraham erblë Skëköl mik, e' kueki Skëköl tö
ie' klö'wé wes pé' buaë yësyësë es**

⁶Es ibak ñies sa' yé bak kiè Abraham e' ta. Skëköl yëkkuö tö ichë: Abraham erblë Skëköl mik, e' kueki iklö'wëitö wes pé' buaë yësyësë es. ⁷E' kueki a' wa ijchenú tö wépa erblö Skëköl mik, esepa dör Abraham aleripa chök. ⁸Ká iaiäë Skëköl ibikeitsbak tö mik pé' kè dör judiowak, esepa erblë ie' mik, etä ie' tö ie'pa klö'weraë wes pé' buaë yësyësë es. E' kueki ttë buaë e' tso' kitule ie' yëkkuö ki wé ie' tö iyë! Abraham a' i' es: “Be' batamik ye' er buaë chöraë ká ulitane wakpa a.”^a ⁹Es se' isué tö wépa kos erblöke ie' mik wes Abraham es, esepa kos a ie' er buaë chöraë wes ie' er buaë yé! Abraham a es. Esepa è a ie' er buaë chöraë.

¹⁰Skëköl yëkkuö tö ichë i' es: “Wépa kè tö ì kos tso' kitule ttë dalöiëno yëkkuö ki e' wà dalöieku' yësyësë, esepa kos kichateraë Skëköl tö.”^b Erë kè yi tö iwà iütepa es, e' kueki se' wa ijcher tö wépa erblë ttë dalöiëno mik e' tsatkoie, esepa kos kichateraëitö. ¹¹Ñies ie' yëkkuö tö ichë i' es: “Yi dör yësyësë ierblö Skëköl mik e' batamik, ese serdaë.”^c Es se' wa ijcher tö kè yi tsatkënuK Moisés ttë dalöiëno iütë wa. ¹²Ñies Skëköl yëkkuö tö ichë i' es: “Yi tö ttë dalöiëno e' dalöié yësyësë seraa, ese ser michoë ttë e' wa.”^d Ttë e' tö se' a ikkachè tö ttë dalöiëno, e' tö se' ké idalöiök seraa. Erë se' erblö Cristo mik, e' kè dör es, e' ki erblë è kiane ie' mik. E' kueki ttë e' kè shutunukka Moisés ttë dalöiëno e' wa, e' dör ttë kua'ki e' kueki.

¹³Skëköl yëkkuö tö ichë: “Yi ttëwä kichatkëule kal mik, e' wa iwënewä tö ese kichatëttsä Skëköl tö.”^e Es Cristo kötëwä krus mik, e' wà kiane chë tö ikichatëttsä Skëköl tö. Erë ikichatënëttsä se' skéie, Skëköl ttë dalöiëno e' dalösewéwasö e' nuí ki. Es Cristo tö se' yë'ttsä se' nuí ulä a. ¹⁴Es ibak ie' ta as Skëköl kablë' er buaë chök Abraham a, e' wà dö ñies pé' kè dör judiowak esepa ulä a Cristo Jesús batamik. E' dör tö Skëköl kablë' iWiköl muk se' a, se' erblö Cristo mik, e' batamik.

Skëköl er buaë ché se' a, e' kè dë' ttë dalöiëno e' batamik

¹⁵A yamipa, se' a ta mik se' tö se' ttë mé ñi a, e' shtésö yëkkuö ki ta s'kië shtésö iki, etä ttë e' kè maneorpattsane yës, kè iki kuötkërpakaiä yës. ¹⁶Es ì uk Skëköl kablë' Abraham a ena ileri eköl a, e' dör. Skëköl yëkkuö tö Abraham

^a 3.8 Génesis 12.3 ^b 3.10 Deuteronomio 27.26 ^c 3.11 Habacuc 2.4 ^d 3.12 Levítico 18.5
^e 3.13 Deuteronomio 21.23

ditséwö eköl è e' cheke, kè dör seraḡ. Abraham ditséwö chekeitö e' dör Cristo. 17Ì chök ye' tso' e' dör i': Skèköl tò ittè me'tke Abraham ḡ ḡ ikkachéitö iḡ tò mokì iwaweraéitö. E' ukuökì ḡ duas tka dōka cien tkëyök kì dabom mañayök (430) ḡ ie' tò ittè dalöiëno me' Moisés ḡ ḡ Israel aleripa tò idalöiö. E' wa isuésö tò ttè mène Abraham ḡ, e' mène iḡ kewe, ttè dalöiëno mène Moisés ḡ e' yökì. E' kuëkì ttè dalöiëno mène Moisés ḡ, e' kè ḡ i ḡ Skèköl kablè' Abraham ḡ, e' wöitukwa. 18Ì ḡ Skèköl kablè' se' ḡ, e' wà dōpa se' ulà ḡ, Moisés ttè dalöiëno e' iḡtësö e' batamik, e'ma e' kè dè'ttsa se' ḡ wes i kablèule es. Erè Skèköl kablè' Abraham ḡ imuk éme.

19E' dör es, e' ḡ ùi kuëkì Skèköl tò ittè dalöiëno me' Israel aleripa ḡ? Ie' kablè' Abraham ḡ, e' ukuökì ḡ ittè dalöiëno méitö ie'pa ḡ i sulu wamblekerakitö, e' wà kkachoie dō mik Abraham aleri eköl yène ie' ḡ, e' de eḡ, e' dör Cristo. Ttè dalöiëno e' me' Skèköl biyöchökwakpa tò Israel aleripa ḡ Moisés dör itteköl e' wa. 20Erè Skèköl wák kablè' Abraham ḡ, e' kè dör itteköl wele wa. E' kuëkì se' wà ijcher tò ttè e' dör kibiie, ttè dalöiëno mène Moisés ḡ e' tsḡḡ.

ùì kuëkì Skèköl tò ittè dalöiëno me' Israel aleripa ḡ?

21E' dör es, e' ḡ ùe' wà kiane chè tò ttè dalöiëno, e' kè ñi sini'kune Skèköl kablè' Abraham ḡ e' ḡ? iAu, kè idör es! Ttè dalöiëno tò sene michoë múpa se' ḡ, e'ma se' dōmi buaë yësyësë Skèköl wörkì ttè ñe' dalöiësö e' wa. 22Erè e' kè dör es. Skèköl yëkkuö tò ichè tò s'ditsö kos klöulewḡ sene sulu ulà ḡ, kè se' ḡ e' tsatkënuK. E' dör es ḡ Skèköl kablè', e' wà dō se' ulà ḡ, se' erblö Jesucristo mik e' wa.

23Kam Cristo döbitü s'tsatkök se' erblö ie' mik e' wa, e' yökì se' bak klöulewḡ ttè dalöiëno dikia wes s'wötewḡ s'wöto wé ḡ es. Erè se' kè ḡ e' yënuksḡ ttè e' dikia dō mik Cristo dé'bitü ikkachök se' ḡ tò s'kawōḡ erblök ie' mik e' tsatkoie eḡ. 24Ñies ichëmisö tò Skèköl tò se' mewḡ ttè dalöiëno dikia s'kkö'noie dō mik Cristo de eḡ. E' dör wes alà yé tò yi yulè ilà kkö'noie es. Skèköl tò iwé es ḡ ie' tò se' klö'tü wes pé' buaë yësyësë es, se' erblö Cristo mik e' wa. 25I'ñe ḡ se' erblö Jesucristo ttè buaë e' mik, e' kuëkì ttè dalöiëno kè ku'ia se' kkö'nuk wes alà kkö'nukwak es. 26A' kos dör Skèköl ala'r, a' erblé Cristo Jesús mik e' wa. 27A' wépa kos wösune iwà kkachoie tò a' erblé Cristo mik, esepa kì Cristo ser iëne wes se' datsi' iö es. E' kuëkì a' serke buaë wes Cristo ser es. 28Se' kos batsulewḡ Cristo Jesús mik, e' kuëkì se' dör wes wák eköl è es. E' kuëkì se' dör judiowak ö se' kè dör es, se' klöulewḡ kanè mésoie ö se' kè dör es, se' dör wëm ö se' dör alaköl, e' kè dé' wes Skèköl ḡ. 29Se' dör Cristo icha, e' ḡ se' dör Abraham aleripa chóK. Ñies i ḡ Skèköl kablè' Abraham ḡ e' wà dōraë se' ulà ḡ.

Se' kè ku'ia Moisés ttè dalöiëno e' dikia

4 1-2Ye' tò ikleeke a' ḡ ttè i' wa: Ichòsö tò pé' eköl dör inuköl blu' tajë e' blënewḡ. Ie' íyi kos méatitö ilà ulà ḡ. Erè ie' alà iḡ tsirlala, kè ḡ

ikaneonuk. E' kuekí ɔ'ka tso'ne ie' kkö'nuk, ie' wëttsuk. Ie' kawötä ie'pa ttè iütök dò mik wekkè iyé tò ikéwö me'at ekkè. Eré ie' dör iyé blënewä e' dalì qos e' wák, eré kam ikéwö dò e' yökí ie' dör wes s'klöulewä kanè mésoie tso' iu a es. Eré mik iyé blënewä e' tò ikéwö me'at e' deka, etä iyé dalì qos döraë iulà a. ³E' sù sa' judiowak bak wes alala ñe' es. Kam Skököl tò ilà patkò e' yökí sa' bakia klöulewä ttè èse tso' ká i' a ese dikia idalöiök. ⁴Eré mik kawö bikeitsitò e' de, etä ie' tò ilà patké ká i' kí, e' kune' s'ditsöie sene' Moisés ttè dalöiëno e' dikia. ⁵Ilà debitu sa' bak klöulewä ttè e' ulà a, e'pa yöktsä as sa' dò Skököl ala'rie. ⁶A' erblé Cristo mik, e' kuekí a' dör Skököl ala'r ñies wes sa' es. E' kuekí ie' tò ilà Wiköl patké senuk se' er a, e' wa se' kköchöke buaë Skököl ska', ie' wa se' tò icheke buaë Skököl a: “iA yéwöla!” ⁷Es se' kè ku'ia wes s'klöulewä kanè mésoie es. E' skéie se' detke Skököl ala'rie, e' kuekí ì qos tso' ie' wä e' dör se' icha ñies.

⁸Kenet tä a' kè e' batsöta' ie' mik, e' kéwö ska' tä a' bak klöulewä skökölpa dalöiök a' bak esepa ulà a. Ñermata ie'pa kè dör Skököl ichökle e'. ⁹Eré i'ñe tä a' bätse buaë Skököl chók e' mik—ö ichémisö bua'ie tò ie' bätse buaë a' mik—¿wes i'ñe tä a' e' maktsane ttè èse qos e' ane? Ttè ekképa kè a se' tsatkënuK. Ttè e' kè dör iie bua' se' a. Kè se' senukne ttè ese dikia. ¹⁰Judiowak tò idiwö tkö'weke, isi'wö tkö'weke, ikéwö tkö'weke ñies iduéswö tkö'weke. ¿Iók se' tò e' wakaneweke es? ¹¹Ye' suane dö kanè qos wéyö a' shüa, e' weirwa é.

Kenet tä Galacia wakpa tò Pablo kiéwä buaë

¹²A yamipa, ye' dör judiowak eré ye' kè serku'ia judiowak ttè dikia. ¿Wes i'ñe tä a' e' tiakwä ttè e' dikia? E' kè war a' tò es. Ye' kköchö a' a tò a' senú wes ye' es. Mik ye' bak a' ska' kuaë, etä a' kè wä ì sulu wamblëne ye' tä. ¹³Mik ye' tò Jesús tté buaë tsá paka' a' a, etä ye' kirirke taië, e' kuekí ye' e' tséat a' ska'. ¹⁴Ye' kirirke, e' dör darërëe a' a, eré e' kuekí a' kè wä ye' watënettsä. E' skéie a' tò ye' sué buaë wes Skököl biyöchökwak sué es. A' tò ye' kiéwä buaë wes Cristo Jesús kiéwä a' tò es. ¹⁵A' tts'ne buaë ye' tä kuaë, ¿wes e' de i'ñe tä? Ye' ichè tò a' wák wöbla mú yérttsa a' a tkéwä ye' icha skéie, e'ma a' tò iɔ' es. Es a' kikékayö. ¹⁶Eré i'ñe tä wësua a' ye' sué a' bolökie, ttè mokí chéyö a' a e' è kuekí.

¹⁷Pé' tso' a' wöbla'uk judiowak ttè wa, e'pa tò iché tò ie'pa kí a' kiar taië, eré e' kè dör er bua' wa. Ie'pa kí kiane tò a' tò sa' watöttsä tä es a' mi' ie'pa è ttè iütök. ¹⁸Ie'pa tò a' saúpa, a' kimúpa er bua' wa mik ye' tso' a' tä ö ye' kè ku' a' tä, e'ma buaë idir ye' a. Eré ie'pa tso' a' wöbla'uk ttè kè dör mokí ese wa. E' kuekí ye' yökí isulune. ¹⁹A ye' ala'r, ye' skä weirke taië a' dalërmik wes alaköl alà kurke weir es dò mik a' de senuk wes Cristo ser es etä. ²⁰I' tä ye' mú dò a' ska' ttök bua'ie a' tä as a' isaü tò a' dalër taië ye' éna. Ì wambleke a' tò es, e' tò ye' tkiwéwä suawé taië.

Agar ena Sara, e' pakè

²¹A' wẹlepa senak judiowak ttè dikia, erè ì tso' kitule Moisés yėkkuò kị, ɛe' jcher a' wa? ²²E' tò ichè tò Abraham ala'r bۆl. Ekۆl kune' alakۆl kiè Agar, e' ta. E' kiè Ismael. Agar dۆr Abraham alakۆl kiè Sara e' kanè méso toulettsa ese. İėkۆl kune Sara ta. E' kiè Isaac. Sara kè dۆr yi kanè méso. ²³Kanè méso ñe' alà kune' wes se' ẹsepa kur es. Erè Sara kè dۆta' alàè, e' alà kune' mik idetke kėkėpalatke eta, wes Skėkۆl kablė' Abraham a es. ²⁴⁻²⁵E' tò ilè kleeke se' a. Alakۆlpa bۆl ñe' tò ttè mène bۆt e' wà chè. Agar bak kanè méso e' tò ttè dalۆiėno mène Israel aleripa a Sinai kėbata atė Arabia, e' wà chè. E' wà dۆr tò Israel aleripa erblė ttè dalۆiėno e' mik e' tsatkoie. E' dۆr wes ie'pa tso' klۆulewa ttè e' dikia wes kanè méso tso' klۆulewa iwۆkir ulà a es. E' kueki wėpa kos tso' klۆulewa ttè dalۆiėno e' ulà a, esepa dۆr wes Agar ala'r es. Nies Sinai kėbata, e' tò Jerusalėn tso' ká i' kị i'ñe ta e' wà chè. Ee judiowak serke. Ie'pa tso' klۆulewa Moisés ttè dalۆiėno dikia wes kanè méso es. ²⁶Erè Sara alà kune' e' tò ttè mène Abraham a, e' wà chè. Se' kè ku' klۆulewa Moisés ttè dikia, e' kueki se' dۆr wes Sara alà es. Se' dۆr Jerusalėn ęt tso' ká ja! a e' wakpa. ²⁷E' dۆr wes itso' kitule Skėkۆl yėkkuò kị es, e' tò ichè i' es:

A alakۆl, be' kè dۆta' alàè,
is alala kur, e' kị alakۆlpa weir, e' kè ttsėule be' wa.
Erè be' dۆraè alàè tajė
tkۆkọ alakۆl dۆta' alàè e' tsata.
E' kueki be' ttsė'nú buaė.
Be' anú tajė ttsė'ne bua' wa.^f

Es Skėkۆl yėkkuò tò ichè.

²⁸A yamipa, se' dۆr wes Isaac es. Isaac kune' wes Skėkۆl kablė' Abraham a es. Es ñies se' erblė Cristo mik, esepa de Skėkۆl ala'rie wes ie' kablė' es. ²⁹Agar alà kune' wes s'ditsۆ kur es, erè Isaac kune' Skėkۆl Wikۆl batamik. E' kėwۆ ska' ta Agar alà tò Isaac we'ik tajė. E' sù i'ñe ta wėpa tso' klۆulewa Moisés ttè dikia, esepa tso' se' dۆr Skėkۆl ala'r, esepa we'ikۆk. ³⁰Erè Skėkۆl yėkkuò tò ichė i' es: "İyė İyi tso' mè alakۆl kè dۆr kanè méso, e' alà a, e' kè kawۆ ta' blatè alakۆl dۆr kanè méso e' alà a. E' kueki iyuóshkar alàè."^g ³¹E' kueki, a yamipa, se' kè dۆr wes alakۆl dۆr kanè méso e' ala'r es. Se' dۆr wes alakۆl kè dۆr kanè méso, e' ala'r es.

Se' yėnettsa ttè dalۆiėno dikia

5 ¹Cristo tò se' yė'ttsa Moisés ttè dalۆiėno e' yۆki as se' kè ku'ia klۆulewa ttè e' ulà a. E' kueki se' e' tkۆwa darėrė erblۆk Cristo ẹ mik. Kè se' e' tiųkwane ttè dalۆiėno dikia wes s'klۆulewa kanè mésoie es.

^f 4.27 Isaias 54.1,2 ^g 4.30 Génesis 21.10

2A' tò ye' ttò ttsó. Ye' dör Pablo. Ye' wák tò ichè a' a tò a' wèpa e' mettsa itóttola kkuölit tók tsir wés judiowak wöblar es e' tsatkoie, e' tã Cristo kè tò a' kimepa yès. 3Ye' tò iskà chène wèpa ulitane e' mettsa itóttola kkuölit tók tsir, esepa a tò ie'pa kawõtã Moisés ttè dalöièno e' wà dalöiök seraa. 4A' ulitane éna ttè dalöièno, e' iutak as a' dò yësyësë Skëköl wöã, esepa kos e' batséttsa bánet Cristo yöki. Es Skëköl er buaè ché se' a' Cristo batamik, e' watéttsa ie'pa tò seraa. 5Erè se' erblöke Cristo mik, esepa wã ijcher Skëköl Wiköl wa tò ie' tò se' klö'weraë wés pè' buaè yësyësë es, se' erblé Cristo mik, e' batamik. E' wà panekesö ttsè'ne bua' wa. 6Se' batsulewã Cristo Jesús mik, e' tã yi tottola kkuölit tëule tsir ö kè itëule e' kè ska' Skëköl tkine. Se' erblö Cristo è mik, e' tò se' ké ñi dalëritsök, e' dör ibua'ie.

7Kuaë tã a' mir buaë. ¿Yi tò a' wöklö'wé as a' kè tò ttè mokì iütò? 8E' kè dör Skëköl tò se' klö'bak iwák a' e'. 9A' taië e'pa sulu'wërawã ttè suluë elkela è tò wés pan wölöwoka elkela tò harinachka kos wölöwëkeka es. 10Erè ye' erblöke Skëképa Jesús mik tò a' kè mi'pa ttè sulu e' itöki. Wé tso' a' tsiriuk ttè ese wa, e' we'ikera Skëköl tò. Kè kì ie' tkine tò yi idir.

11Erè a' yamipa, ye' mú tso'ia ipakök tò wèpa kawõtã itóttola kkuölit tók tsir, e'ma ùi kuëki judiowak tò ye' we'ikekeia taië? Ye' tò ttè e' pakópaia, e'ma ie'pa kè ulurku' ye' kì mik ipakekeyö tò Cristo kötewã krus mik se' skéie etã. 12Erè wépa tso' a' wökir a' kã chöukwa ttè ese wa, iesepa mú e' bióttsaie i' tã!

Ñi dalëritsè

13A' yamipa, Skëköl tò se' klö'bak as se' kè seriã ttè dalöièno dikia. Erè e' kè dör ì sulu wambloie wés s'wák dër sulu kì ikiane es. E' skéie se' ñi kìmù, ñi dalëritsè kuëki. 14Moisés ttè dalöièno kos e' wöiënewã ttè etkè a, e' tò ichè: "A' malepa dalëritsó wés a' wákpa e' dalër es."^h 15A' e' kkö'nú. A' ñi saukeia suluë, a' ñippökeia taië wés iyiwak sulusi es, e' tã a' wákpa è ñi eurawa.

Sene Wiköl Batse'r wa

16Es ye' tò a' a' ichè tò se' senù Skëköl Wiköl wa. Se' serke es, e' tã ì sulu kiane s'wák dër sulu e' kì wamblè, ese kè wamblepasö. 17Ì kiar s'wák dër sulu e' kì, ese kè kiar Skëköl Wiköl kì. Ñies ì kiar Skëköl Wiköl kì, ese kè kiar s'wák dër suluë e' kì. S'wák dër suluë ena Skëköl Wiköl e'pa ñi wöklö'uke, e' kuëki ì kiar se' kì wè ese kè or se' a. 18Erè Skëköl Wiköl tò se' wëttseke, e' tã se' kè ku'ia ttè dalöièno dikia.

19Wépa tso' iwák dër sulu e' iütök, e' wërwa wöshak. Esepa trër ena e' ia'uke sene sulusi wa. Ýyi sulu ese skà kakuëtewarakitö darërëë. 20Ie'pa

^h 5.14 Levítico 19.18

tò iyi diököl dalöieke. Ie'pa dör alibchökwakpa. Ie'pa ñi saù suluë, ñi wöñatkò ñië, ñippò taië, ukyër ñi kī. Ie'pa ulurka bet. Ie'pa e' ttsòka imalepa tsata. Ie'pa dör s'blabatsökwakpa. Wépa e' batsöke ie'pa mik, e'pa è tã ie'pa ser buaë. ²¹Ie'pa kè wöbatsö tò ì kiane ie'pa kī, ese tso' s'malepa wa. Ie'pa e' ttöke blo' wa, e' kueki ì sulu kī wamblekerakitò taië. E' sù iyi skà suluë wambleke ie'pa tò. Ye' tò a' a ichekene wes ye' tò iyè'bak es tò wépa serke es, esepa kè dõpa ì blúie Skököl tso' e' a.

²²Erë mik se' serke Skököl Wiköl wa, etã se' ñi dalëritsöke, se' ttsè'rke buaë, se' serke bèrë, ì kos dalë'ttsekösö er bua' wa, se' ñi saù er bua' wa, se' er buaë chò s'malepa a, se' ttò moki, ²³kè se' e' ttsòka taië, se' e' kkö'nù buaë. Se' serke es, e' tã ttè dalöiëno kos, e' kè dalöseñewa se' wa. ²⁴Se' wák dër suluë, ñies ì kos suluë wamblak se' éna, ese kos watéttsã se' dör Cristo Jesús icha e'pa tò. E' dör wes se' tò ese kos ttéwa wötëulewa krus mik es.

²⁵Se' serke Skököl Wiköl mik, e' kueki se' e' mù as ie' tò se' wëttsù. ²⁶Kè se' e' ttsòkã taië, kè se' ñi tsiriuk, kè se' ukyënuñ ñi kī.

Se' kawõtã ñi kímuk

6 ¹A yamipa, a' wele anemine ì sulu wamblè a, e' tã a' serke Wiköl Batse'r wa, esepa ké ie' kímuk er bua' wa as ie' e' kòkane. Erë a' e' kkö'nù dö' ì sulu tò a' erkiöwè tã a' armi ì sulu wamblè a wes ie' es. ²A' welepa kawö tköke suluë, e' tã a' ñi kímú. A' tò iwé es, e' tã a' serke wes Cristo ttè dalöiëno tò ichè es. ³A' wele e' bikeitsò tò buaë idir imalepa tsata, ñermata kè dör ì, e' tã ie' kitö'uke.

⁴⁻⁵Is se' ser buaë ö suluë ese wërke se' wöki eköl eköl. E' kueki se' ulitane ké e' sauk tò is se' ser, e' wa se' e' kkö'nù. Se' serke buaë yësyësë, e' tã se' ttsè'rdaë buaë se' wák a. Erë kè se' kàne e' kkö'nuk wes s'malepa serke es.

⁶Ì buaë kos tso' a' wa ese kaku' wépa tò a' wöbla'weke Skököl ttè wa esepa a.

⁷Kè se' e' kitö'uk tò se' a Skököl wayörmi kè nuí tã'. Ì kuantkésö buaë ö suluë, e' wà wöweranesö. ⁸Ì sulu kiane s'wák dër suluë e' kī wamblè, ese wamblésö, e' tã e' wà dörane s'kī tã se' weir michoë. Erë ì buaë kiane Skököl Wiköl kī wè ese wésö, e' tã e' wà dörane s'kī tã sene michoë döraë se' ulà a. ⁹Ì buaë wëkesö kekraë, kè ilo'yeta', e' tã aishkuö tã mik ikéwö de, etã iskè döraë se' ulà a. E' kueki kè se' shtrinuk ì buaë uk kekraë. ¹⁰E' kueki mik se' a ì buaë ormi, etã iüsö sulitane a, bua'iewã s'yamipa erblöke Cristo mik, esepa a.

Pablo e' chéat

¹¹Ttè bata i' shtök ye' tso' ye' wák ulà wa. A' isaú tò ikite bërie, es a' wa ijchermi tò moki ye' tso' ishtök. ¹²Wépa tò a' keke a' wépa tottola

kkuölit tök tsir, e'pa tö iwēke es as ie'pa at buaë judiowak malepa ta. Ie'pa tö ichópa tö se' tsatkērke, Cristo kötewā krus mik se' skéie, e' batamik, e'ma judiowak tö ie'pa we'ikera siarē. ¹³Erē ie'pa wákpa tottola kkuölit tëule, e'pa kè tö Moisés ttè dalöiëno e' iütè sēraa. Ie'pa tö a' keke a' tottola kkuölit tök tsir e' ttsokā iwákpa a tö ie'pa tö a' ké e' wakyuök wes judiowak es. ¹⁴Erē ye' i', e' kè e' ttsòpaka ì ulitane ki. Skèkēpa Jesucristo kötewā krus mik, e' è kikekekayö. E' batamik ì sulu kōs tso' ká i' a ese dunewābak ye' a, ñies ese a ye' dunewābak. ¹⁵S'tottola kkuölit tëule tsir ö kè tëule, e' kè ki Skèköl tkine. Ie' tö se' er mane'wé pa'alì iWiköl wa, e' è kiar ie' ki. ¹⁶Wépa kōs sērke wes ttè i' tö ichè es, as esepa a ie' tö sene bèrè mù ena isaù er siarē wa. Esepa dör ie' ala'r chók, esepa dör Israel aleripa chók ie' a.

¹⁷Ye' weine kōs Jesús tté kuēki, e' tò tso' ye' wā ye' chkà ki. E' wa ye' tö iwā kkacheke tö ye' dör ie' kanè méso moki. E' kuēki i'tami kè yi tö ye' tsiriwariā ttè e' ki.

¹⁸A yamipa, as Skèkēpa Jesucristo er buaë chò a' ulitane a. Es e' idir.